

雷氏宗譜

上一卷

续修谱序

闻之莫为之前莫不彰莫为之后盛不传固与家一也吾族旧有宗祠因年湮蠹蚀势将倾圮岁丙辰赖贤进光玉洞庭学周诸族长集众筹资重加修建惨淡经营至戊午始告厥成梓时侨寓汉皋未得躬与其事藉效驱策歉何如也癸亥冬族中诸父老咸以啜约曰吾族宗谱之修自甲午以来已逾卅载族人之望续修也久矣吾子其有意乎梓才庸学浅经籍荒芜深惧弗克胜任因思宗谱所关甚大重以合族之命不敢固辞虽然斯届续修较诸前四届则为之也

雷氏宗譜

卷一

续修谱序

一 講易堂

难三十年来家规例言有名无实人心风俗江河日下大有莫可挽回之势有谱责者果能对於成规族谊两不相材鳩工詎知功程浩大需费一千餘金约营两载未能肆观厥成提修人逡巡观望几为丧志欲从此中止诚恐风雨飘摇仍为画饼延及甲午春屈指计之正届续谱年分族中再为踊跃合商筹增谱费截长补短庶一举而两得矣因以谱事属余与岐山余愧学庸才浅不胜其任然承诸君命义不容辞惟是夙夜兢、悉心考究幸岐山达士也蓄学能文互证参观相与有成今祠工告竣堂仍依旧貌

維新譜牒已成虽子姓蕃衍渙而能萃散而有紀上妥先灵下以輯
宗族願世世子孫相承弗替也哉

裔孫幼民謹撰

雷氏宗譜

卷一

續修譜序

二

講易堂

光緒甲午年叙

1899年

蓋聞國有史所以紀一朝之政治得失而盛衰見焉家有譜所以聯一姓之遠近系疎而敦睦存焉使祖宗創之於前子孙不能承之於后不几墜厥先緒而蹈數典忘祖之讥乎。忆昔我叔曾祖北軒公纂修譜牒旁搜远绍溯探流源惟伊朝之故於茲百有餘年成規具在田例昭然同治庚午岁余叔祖鶴皋公主讲江汉书院敦请宗丈丹梯公鉴定谱事例定歐式取其五世亲亲之义法良意美在有识者誠韪之矣然见浅者世系每若於难寻族中父老欲仍复旧

雷氏宗譜

卷一 续序

講易堂

章久之洎光緒壬辰冬宗庙楼台业经朽蠹合族目击心伤爰邀玉

二 玉四函公支下人等挨户捐贖庀材鳩工詎知功程浩大需費

一千餘金經營两载未館事观厥成捫修人逡巡观望儿为丧志欲

从此中止誠恐风雨飄搖仍为画饼延及甲午春屈指计之正届续

谱年分族中再为踴跃合議籌增谱費截长补短庶一举而两得矣

因以谱事属余与岐山余愧学庸才浅不胜其任然承诸君命义不

容辞惟是夙夜兢、悉心考究幸 岐山达士也蓄学能文互証参

观相与有成今祠工告竣堂、仍旧庙祀维新谱牒已成虽子姓藉

行渙而能萃散而有紀上妥先灵下以輯宗族願世世子孫相承弗替也哉

裔孫幼民謹撰

雷氏宗譜

卷一

續序

四

講易堂

續修序

壬辰之冬宗人父老共展孝思重修寢庙經費之捐貧富胥照章乐輸閱三載而功竣觉庙貌巍峩規模宏敞焕乎大观矣宗譜自庚午續修迄今二十餘年族丁繁众生歿甚多例当續修族长諸公囑宗丈寿君与予董其事予慙似雕蟲才同秣线不获博功名以光祖先奚可濫膺斯任为宗族玷敬辞不敏金曰是举也旧章具在循守成法至於資斧用度布置一切则另有人經理惟坐以观厥成抑何慮焉受命以来朝夕匪懈奉事惟謹所有傳贊條例悉遵原刻断不敢

雷氏宗譜

卷一

續序

五

講易堂

妄贊一詞貽誚大方惟各分世系早未送局经日临时派人赴局騰

注对读恐有遺漏疎失不能划一后之览者甚勿以予为素餐也是

幸

光緒二十年岁次甲午仲冬月 谷旦

剛孙声采謹撰

續序

語云：謀事在人，成事在天。天道不可知，而人事不容不尽。然天未露其机，而勉强以图之，则憯天既显示其机，而因循以听之，则庸鄙或有机可乘，而无诚笃之心，无虑善之识，但恃其势力，逞其私见，吾知其进无渐，其情不顺，其气必乖，非特败於垂成，竟至别生枝节。古今来有因细微而滋巨患，起讼端而结仇怨者，何可胜道。皆由不明天道，而缓急轻重之乖其序也。今乃於吾族筹认祖坟一事，窃有感焉。忆我伯父启蒙公年将六十，与族众始建祖祠，复修谱牒，敬宗收

雷氏宗譜

卷一

續序

五

講易堂

族之意，无不周详，惟尚吁嗟叹息不置者，谓我始祖。载七公坟塚

在通羊蔡家岭虎山，早为唐姓所淹灭，未得临墓致祭，真我等子孙

之恨事也。其时以誠甫十二岁，虽不大经意，而习闻此语，嗣后每

岁清明，各分登山扫墓，皆属近袒。而载七公始祖，仅能设祭於祠，

而墓祭则久阙矣。以誠时憾於心，而不忍言。至道光辛巳，举於

乡，癸未成进士，连次举行祀事，以赴比部，共取抚暇，筹及家私，而追

远报本之情，鬱结此衷，未尝一日去。诸怀也。同治元年，解绶归田，至

庚午岁，族众以上届续修谱牒，未能妥善，争欲以誠重新厘正，以

1823年

1862年

1821年

垂从远予适受聘江汉书院主讲势难兼顾因与族中熟商敦请族弟丹梯代为督理其时忽有言我祖 载七公之坟无难往认词颇确凿予窃怪其突如其来虽有此坟而山势极广累、约数十塚此非明查暗访不能得其端倪幸旧谱纪载山向可考爰商令族姪正民潜至其地细审相符尚未可遽信也忽报称唐人闻我有认坟之议辄鸠集其族人铸造器械将以抗拒我族中亦各天良奋激欲与争胜予曰此事重大不宜轻举妄动然亦不可畏难苟安彼闻言而蠢动者畏我乎疑我也恐我恃势力以坟占山也唐人利此山之

雷氏宗譜

卷一

续序

七

講易堂

材木竹箭由来久矣倘一旦为我所有非特死无以为葬且生无以
为养此乡曲愚顽拚命争抗之俗情不足为怪然不宜以力争惟以
诚感之可也因信知丹梯六弟属其善为筹画丹梯自任不辞曰此
如明知祖父陷入贼中而坐坐不往救者是禽兽心也救之不得其
道致酿成巨案彼此伤残者此孟浪之行也缓急轻重之间是在意
会不可言宣於是偕正民等履嶮嶮冒雷雨乘山雾朦胧之际於数
十塚已修坟内见有未修者一座坐处朝向形势悉与谱合遂识上
下左右丈尺随即夜抵程志礼家 程盖崇邑端士也丹梯久耳其

Chan. 完成. 中.

名並知素与唐人瓜葛故造庐请谒焉程公亦熟闻丹梯之为人因而相得益彰及烹山脯出家酿饮食之因而以虎山从坟一节奉慰程公始以为难恐不能就绪无以报命丹梯心知其非轻诺寡信之俦仍再三剴切言之始允为从缓谋度比归屡探唐人之心犹矜、然牢不可破也爰将谱牒赶修藏事即赴省臣秋闈绝不谈及从坟事若忘虎山者使唐人愈有疑心即愈生畏心然后吾族中经六七兄及姪辈数人往来致词於崇邑程公转达其意於唐人晓以利害悚以祸福感以诚信因渐释其疑畏使之坦然於不以坟占山之义

Keng

~~, 邪意
浅薄固执。

雷氏宗譜

卷一 续序

八 講易堂

两情契合前嫌尽释书立合契主宾协和销讼端於未萌化致寇为婚媾是如目无全牛批郤导窾迎刃而解者乎嗚呼此坟山去硃红山下仅十里耳乃至历二十餘世而子孙不能临墓致祭诚属恨事今我罢官旋里重修谱牒俟有以此事送状者始以为谬既而徵信卒能就绪於数百餘年之后其间盛衰兴废时代迁移蔓草荒烟沦没不能终显者难以意度此岂人力所能强为殆我祖 载七公之灵而天与预示其机也然使以 誠不得是官或官尚在朝其机未必露即露其机而不得丹梯族侄正民之识能知人属意程公为之

调剂又经六兄及侄仲升云龙坤元定年明春为贵咸贵永丰左右
勅理以尽人事则诚不笃而虑不周非失之憯即失之庸此或归咎
於天而天岂任其咎乎吾故曰人事既善天道未有不顺者於是合
族议重立石碑登山致祭以安吾祖之灵以卜子孙之庆以和雷唐
二姓之好因而钟鼓管箫入祠享祀式歌且舞以燕乐宾之心

时

同治九年岁次庚午冬月吉日

1870

嗣孙以誠謹叙

雷氏宗譜

卷一

續序

九

講易堂

續序

斯譜之修肇自嘉庆丙寅維時探本寻源远不踈而近不素文钥公之力居多而最初公实克相与以有成例载四十年一续修诚以瓜绵椒衍欲期归厚之风当有收族之则洎道光乙巳重修云方专习举业越未与事阅今仅二十五年鹤皋侍郎归来与合族有再修之议云亦窃喜得侍郎而秉笔是所谓畜道德能文章者不尤有光家乘乎乃侍郎以主讲江汉书院课士维勤不暇分理殷殷然属云代庖云曰嘻一介迂儒疏陋寡识况犬马之年已逾大衍上之不能知

雷氏宗譜

卷一 續序

十

講易堂

非知命希踪古人次之不能立功立言为法后学下之不能拾青紫
邀诰授以辉耀门庭心滋愿矣而敢濫膺斯任哉再三辞之不许爰
于是岁新正择吉进祠设局夙夜慙惶惟恐不胜历五月而告竣是
果淮之力哉盖总理则有经六公帮办则有正民校对则有仲升
茂林经管出入帐项则有 为贵咸贵至於拟例言立章程修饰润
色则总由於侍郎云也碌、因人成事何其幸也抑又思之楚北自
咸丰壬子已来遭粤匪之扰省城失守三次各郡州县遍烽烟凡
胜跡奇观祠宇庙舍焚毁无算贵贱老幼死锋镝填沟壑奔走于四

方者亦无算幸而天心压乱扫净欃枪而荆棘铜驼已不堪问矣矧我雷氏自昔聚处不一近而迁于各郡各里远而迁於外省外具其在官者奉命督师身经数十战其在家者捐资团练力持七八年固皆吉凶存亡之所系也卒之乱定寇平之后凡我本支悉皆安全无恙祠堂寝庙巋然犹存此虽赖 圣天子恩威广庇而亦由我祖积累之深致后人得以受其福也嗣今以往尤期敦孝友砺廉隅而节义存忠信勿弃先畴勿忘旧德世世万子孙继承弗替也岂不懿欤

雷氏宗譜

卷一

续序

一一

講易堂

同治九年岁次庚午六月癸未初一日迁居九都逢春公支下嗣孙

云谨序

封贈二世傳

鶴皋少司寇与予本世交后联姻好同治八年己巳致书来京因其族中议修家乘附三世祖父言行节略属为列傳以见积累所自予愧不文义无可谢謹据实录其概焉

鶴皋曾祖南陆公玉质温润厚重端方而聪明出众甫及成童即淹雅能文世居坳头硃红山下距苏家巷吴氏仅四里许吴氏本由汉阳迁居闻系前明显宦忠盖之后有号声雅者率子弟潛隐此地博学韬光适由坳头经过见南陆公在门前方池垂钓询悉面试因媒

雷氏宗譜

卷一

列傳

一三一

講易堂

合聘订其女而南陆公旋入泮礼成迨声雅身故有熊钟陵先生伯龙祭岳父声雅之文故知其与南陆公为联襟之戚钟陵以鼎甲二名筮仕而南陆公軀体益胖矮屋不能转动时有田千亩经理乏人遂援例入贡无进取之心惟重道尊师以诗书为世业忠厚和平笃行善事邻咸里薰其德生子五女一鶴皋之祖万和公故排行在六也先是祖居倚硃红山下曰老屋以子孙日多第三子稍依山偏右建房另居曰中新屋时南陆公已引道山长子傅霖公卜居於金盆脑下建造堂舍百十餘间渭之下新屋率二弟四弟六弟一同迁居

析分东西各院万和公敏而好学县府试屡拔前茅久未入庠后因
与同学王姓坐号相联万和公得意疾书王则塞笔不成一字强索
其文一阅淮知即时悉记照滕致学宪以雷同批示从此自知遊泮
无缘不复应试矣乃家居笃课诸子姪勉力善行曾为别房孤孀经
理家务一二年中代增置田多亩滴、归源丝毫不苟以鹤皋之父
盖亭公资性稍钝成童后不令攻书每逢集仓穀命其掌挡及仓空
之后竟短一二石不符入仓数目询叩其由盖亭公以实对言贫人
求食维艰每於最后一二斛不忍用挡故致如是万和公曰我既无

雷氏宗譜

卷一

列傳

一三

講易堂

力博济如此其好任尔自为之又每遇除夕前数日必循俗例沿门
辞岁询知其有极窘难度者密记於心或钱或米挨家施送虽不甚
多聊以将意耳又闻有某於除夕来家辞岁既以酒肉饮食之而良
久不去又不语万和公察其情态谓之曰尔莫非手内无钱不能部
署一切乎其人点首当即给钱二串而去迨次日元旦闻其人已在
己房自经矣此可见忠厚待人无愧於心而並可以息事也万和公
年未五十谢世盖亭公与兄北轩公弟箴斋公华国公分居北轩公
年三十六始补县学弟子员盖亭公虽有薄产不敷食用赖儿辈贸

易支撑而仁慈簡默爱阅敬信录等书古道照人里党老少莫不敬而爱之奉为活佛性极宽和而筋力强健雨后新晴辄垂钓清溪以自适祀祖先诸神备极斋肃境内旱魃为灾公草履去笠率众步行数十里取得泉水而回青天朗日有朵云随行比至赛神坛霹雳一声大雨如注嘉苗遂生因得丰稔知至诚所感也家有耕牛病毙众争思解剥盖亭公不忍即令痊埋并浇糞秽以防偷挖乡人间有侵占地界者概不与较鹤皋之母周太夫人素本贞静而性极仁明偶有欺诈来者独先觉之而口不遽言其以贫乞米食者靡不潜行应

雷氏宗譜

卷一 列傳

一三

講易堂

付至遇其人穷急无赖致为众所不齿则每於岁时伏猎牧以酒席全顧其脸面其潜移默化有胜於杰士之排难解纷者以此暗誦人大难虽费酒食亦所不惜家原有一秤各房多借以买物不胜其烦太夫人询其故盖亭公曰此秤头斤稍重二三两故皆利用之太夫人则曰肩挑售货能赚儿何甚不平也不如去之盖亭公即时毁折另置一秤使用至於零屋资助贫乏皆人所不及睹亦不欲人知此鹤皋之曾祖与祖及父母三世积累之大概也

今

曾祖南陆公以鹤皋官

妣贈榮祿大夫 曾祖母吳

妣贈太夫人

祖万和公

妣贈榮祿大夫 祖母頤

妣贈太夫人

父蓋亭公

誥封奉直大夫 晉贈榮祿大夫

雷氏宗譜

卷一 列傳

一四

講易堂

母周氏先

贈宜人 晉贈太夫人皆積德所由來而報施享榮之不爽有如

是者他如

封贈伯叔及諸兄則皆由仰承先志以教以養俾鶴皋年少捷擢科

甲發名成業至今歸老吾乡主讲江漢書院猶復好學勤修不倦

可卜雷氏之興殆未有艾也

夫

賜進士出身

欽点主事刑部浙江司郎中

刘名馨顿首拜撰

雷氏宗譜

卷一

列傳

一五

講易堂

魁引公傳

公讳天星字魁引乃余岳翁 派元十六世祖也余生也晚尝闻诸
長老云公生資聰敏髫齡能文入泮未几即食飨一時名噪金目為
廊廟器 公亦澄神于學摩研編削廓然有大志而卒屢蹶闈場不
獲一展才技以沒今百有餘年矣里黨猶往往為 公惜余蒐讀其
遺稿高步三霄俯視八極渾然無声色臭味之可尋蓋司馬儀部之
長也方合學之南北二十戰牆東老人之終不狹售以此或日剪錦
縠綵花以眩以奪者伙矣奚獨艰且苦若是然而古人無羨亦無悔

雷氏宗譜

卷一

魁引公傳

一六

雷氏易堂

夙經盤錯百折卒未聞自貶以毫髮徇豈性情氣骨自有真耶獨惜
其芳行高躅里不登而史不書徒傷心於故老之流傳耳然而輕儇
机巧之习之几遍乡党州閭也 公裔独多浑朴敦厚无歉於古素
心人不亦足见其来之有自而令人想 公德於不置也哉

道光二十五年乙巳仲秋月

穀旦

姻世晚金品三拜撰

新峰公傳

公讳文世别号新峰淦川名士也少殊於众縉紳诸先达皆以大器目之及冠读书破万卷县府试列前茅咸谓紆朱拖紫直如反掌境之西有东嶽庙焉山青水秀真雅人乐地 公设教於斯乐育人才束修不计多寡识者之 公不过藉此以待时耳乃年三十四倏然辞世行吊礼者数百人作 詞者十餘辈可知人无显晦要惟道有足重者足以感人之深也 德配胡孺人幽闲贞静洁滌洗敬奉尊而丸熊课子不殊严父是以公虽歿而 不衰 孺人之德力

雷氏宗譜

卷一

新峰公傳

一七

孫氏易堂

并优曷充致此乎余与公共笔砚称莫逆风雨晦明十餘年公之长孙适彬又从余族弟遊丐余为公作傳余虽老疲而义不容辞遂走笔以誌其大概

云

道光二十五年乙巳仲秋月

谷旦

南嘉邑庠生硯恩弟

刘子郑頓首拜撰

官兩公傳

昔汉青翟官至丞相史不书一字而张长公黄叔度终身一布衣傳名千秋其故何哉盖君子在上则善其政在下则善其俗伊古以来未有无所以然而能成名者如官兩公之里党交推敦善行而不怠其张黄之流亚欤公讳胜院官兩其字也尚简朴笃孝友生平蔬食大布不事奢华而朝夕奉亲甘旨不缺待昆季夙好无尤历终身如一日族党有大难事得公一言如春风吹枯项刻有向荣之色延师傳課儿孙读致敬尽诚礼仪维谨暇时荷耒簞笠携鸦咀鋤蹠蹠畎

雷氏宗譜

卷一

官兩公傳

一七

講易堂

亩间与野老田夫殷殷劝勤劝俭悉本至情儼千戾夫无不闻风胥格古君子裊躬淨物不必仕于朝也於兹益信然矣公之元孙动麒黜华崇实博学能文为士林所器重而不知公积善贍谋有以基之也予故乐为之傳

姻再晚夏錫圭頓首拜撰

顧孺人傳

蓋聞婦人立傳或以孝或以節或以禮義外此虽才如大家色如碩人其有不合者勿傳也雷母顧孺人官兩公之德配余不知其節若何其孝若何其義禮若何第於故老云亡口碑湮沒之餘嘗登其堂見其匾額題曰宝婺常輝闔族之所以壽孺人七十也又曰羣彰順德合族之所以壽孺人八十也夫德者壽之基壽者德之應孺人之德既高孺人之德必厚矣自處士盜虛聲君子恒仿名实多紊孺人素处闺中苟非实有足称何令闻不已若此哉此不必问其孝若何

雷氏宗譜

卷一

顧孺人傳

一八

講易堂

節若何義禮若何而生平之淑慝可想見矣故書之

眷晚夏恢鼎拜撰

文秩公傳

公讳胜鸾字文秩少以膽气自豪而劲武智勇亦迥乎不可及然能以礼自持遇尊长则矍然自下中矩中规不敢失里中有横暴者偶接见桀骜之气不戢自消盖非徒以力服人也时乡人有虎患白昼不敢孤行稍不遽则如泰山侧不免哭之哀者公每匿于怀而思所以除之一日虎逐犬急犬入门虎亦入门公即闭户虎暴吼屋瓦层层堕公熟火器发之中毙於庭闻者皆咋舌公货知尚有三虎踞山麓间就族兄如璧卜之决其是夜必至公不眠执火器以待未几三

雷氏宗譜

卷一

文秩公傳

一九

講易堂

虎果来绕屋咆哮目灼灼然作复讐状公潛出又毙其一在旁者飞奔远窜力追之已去数百里外从此境内皆得晏然安矣人德之公坦中任真诺责必践见义必为先年得徐孺人为内助凡公所欲为而或力难驟为孺人俱有筹备曾不拂公意晚年子伦官善經紀家业渐裕益得行其志孔子云仁者必有勇公其近之矣

邑庠生族姪孙际斯謹撰

監周公傳

公讳胜郁字監周生有膽氣素以強勇自負嘗逐虎过洞虎转负岫怒咆哮莫敢撻公大声一呼山摇岳震虎威顿却即奔去是所谓陆行不避虎者与然性至孝事父母能得欢心待昆季怡怡如也而且置祭田则与霞山公任其事修祠宇则与思让公分其劳不矜己亦不傲人族姪绪文甫十岁父母俱亡公悯之为抚养并代經紀家事不存偏私不较毫末而绪文赖以成立迄今人往风微而谈前事者每一念及公无不慨然而增歎也公善举颇多不能备述謹即

雷氏宗譜

卷一

監周公傳

二〇

講易堂

所熟聞者述之

道光乙巳年

侄元孙勳麒謹識

既升公傳

公諱会堂既升其字也清方敏默为善不倦而喜自晦敛若不欲人知其遇人怡々若无所不可及视其发施于事者其义有可畏其守有不可夺其能有不可及既已若未尝有所为者少喜读书隆师傅以家累未能卒业生平引为恨事子广甯有四方志已客于郟阳矣而公急走书召归仍令习举业虽名途蹇滞不获博一衿以慰公意而入孝出弟守先待后不愧为儒者人亦以此敬公重公而歎其贻子孙者胜籛金千万矣德配孺人金氏终温且惠敬戒无违终岁不

雷氏宗譜

卷一

既升公傳

二二

講易堂

闻诟谇之声戚里受其溉润者即事过境迁而每一齿及辄感欢不已盖既升公每有善事不欲人知而人竟不知皆孺人默体其意而一一行之以成其美是夫是妇曷可及哉

道光二十五年乙巳夏五月

谷旦

愚族姪孙雨作拜撰

何孺人傳

孺人何氏嗣周公之德配也德協坤貞情兼巽順著承筐之雅范早知率礼无愆寓宜室之良規共欽出言不苟夫子鸾鏡早分听鳴鴛而肠断孺人蛾眉未扫泳孤燕而心悲本金石而矢志实冰雪以为心是以治内兼以治外克俭继以克勤奉舅姑而敬养交致待妯娌则雍睦並施勤机絲以治家功岂辞於五率诗书以训子教不殊於三迁且也视人子若己子共乐分忧爱姪孙如己孙推心置腹至於重义轻财为而人累不计恕人责己被世害以无言此诚巾幗之贤

雷氏宗譜

卷一

何孺人傳

一一一

講易堂

閨闈之則也茲当譜牒重修其孙太学生兆春述孺人之懿德芳行

屬予作傳以永之故略为表著云

道光二十五年乙巳夏五月

谷旦

姪曾孙清士謹撰

贈封奉公直大夫观省公行述

公讳会铭字观省号箴斋一号山中静者性聪敏颖异过人八岁入家塾语孟学庸风雅三颂一周读毕不数年而五经三传以及子史群书无不手披口吟自童年应试县府屢拔前矛独院试卒不获一遇殆有数焉而公遂灰心名途日偕二三弟子或论文或听琴或钓於水或採於山倦游泳归清凉一榻随所在而适其意如此者十有餘年后因羸弱多染病入山寻移四季花木栽插园内灌溉培持其花发茂盛不时遊观而病亦消去综其生平其立心也直其待人也

雷氏宗譜

卷一 观省公行述

二二三

講易堂

恕工书善绘竹兰山水诗酒自娱日徜徉乎林泉之间闲事概置不理有问即告有求辄济快然自足会不之老之将至年七十餘以胞侄以誠贵躬膺封典初以誠幼公视若己出教诲之餘慈严交至所以笃责而教育者公之力居多其疾此美报也宜哉

賜进士出身欽点刑部主事

愚侄王之斌拜撰

定远公傳

公讳会超字定远笃诚明允善气迎人见者黦然意下昆季四公序居三两兄一弟皆出贾於外家非素封而亲渐老累渐重食指渐多公独力支撑无怨言亦无难状岁大饥薪桂米珠居人多菜色而公甘旨奉亲朝夕惟谨绝不令老人知其艰苦也弃养时哀毁柴瘠终丧不见齿兄弟远寄未归或折阅家书屡断其嫂媳犹子公必善为拊循不令有咄嗟态积善貽谋以赢金为薄择师课子一切礼节加隆重焉里中有同室欲兴大讼许公百金怵为左袒公力止之善为

雷氏宗譜

卷一 定远公傳

二四

講易堂

解释卒以和好皆悦之其他隐德不予知者尤非一事噫昔青翟官中丞丞史册一字未书今公之善行历历可纪如此则知人之傳与不傳初不在穷达间也以道光乙未十一月念九日卒享年六十三岁孺人吴氏温惠表性淑慎修仪达恭俭均一之旨肄德象女师之篇鸿案相庄熊丸教督其所以遂公之志成公之德者盖有道矣先公二年卒春秋六十有三子六人其六子名云道光辛丑岁试领县案与予同举茂才今方壮岁气足凌云才堪华国士林咸以大器目之而且兰孙叠茁秀出斑行者更不乏人一家之内愉々如也正

家之法井井如也何莫非庭訓之光厚德之報乎予景仰芳徽慙愧
短筆謹即素所耳熟者書之

当阳县儒学正堂

世愚侄涂夙友頓首拜撰

雷氏宗譜

卷一

定远公傳

二五

講易堂

最初公傳

公讳昭本字最初号心斋一号根性子庠生鼎台公之子也鼎台公生子四公居三七岁失怙事母至孝备极曲折先於形声事二兄随行隅坐皆出天性自然季弟贸樊城早世弟妇亦与俱亡仅遗一子年甚少凡衣棺衬殓及葬祭一切费金百餘皆公自倾囊橐公曰吾为死者悲更为生者痛吾不忍耗其财贖以为丧葬用也平居教其昆弟之子及其子以读以耕各有家法门庭之内藹如公嫡堂叔文钥公有志修潜因病笃未遂公则继志以集其大成焉若此类者皆

雷氏宗譜

卷一 最初公傳

二六

講易堂

足以徵其仁孝誠敬之心矣公數岁颖悟绝伦言论举止有老成人风塾师刘远齐甚器之督课严厉日夜无倦时公乃大肆力於经训俾计诸子百家之说因览该洽擷其菁华方弱冠学已大成负重望县府试屡拔前茅年二十九補弟子员提学李公大加称赏於是文名益著公秉性刚直有威可畏有仪可象其家政整肃妇人女子见之皆退避默尔无声及设教重品行文艺次之当时能文鸿儒硕彦皆延颈愿交远近负笈担囊及门从遊无虚日其族中人文蔚起世益光大诗书礼乐之风名位科举之荣甲於州郡何莫非公之涵

育薰陶有以致之者乎公始焉境遇丰饶后因季弟不善生计乃弃
館谷而贸迁樊城夫以清才宿学希风端木尤市默中之矫矫出群
者凡遇善行美举锐意直前襄力捐资略无难色於吾郡公所之设
领袖率先惨澹经营颇费心力迄今数十年后碑碣流傳彼都人士
及吾郡贤兹土者犹嘖嘖称公之德不衰公向与予为文字交继以
其女为吾弟妇因得朝夕过从密而知其行道 悉予官於浙之安
吉县岁在乙巳其从弟春霆由京师秋曹具书至浙属余为公制傳
載诸谱牒用光泉壤惟是公餘之暇述其大节数端笔之於书以垂

雷氏宗譜

卷一 最初公傳

二七

講易堂

为后辈模楷云尔

贊曰

公方綺岁穎悟絶人蕩然孝友胥本天真一衿早博席上儒珍鑑堂
化雨桃李皆春督修家乘大雅扶轮才兼亿中迈俗超伦力行善事
矩矱先民芳名不墜俎豆常新

道光二十五年乙巳仲秋月

谷旦

賜进士出身现任浙江安吉县

姻愚姪周汇宗拜撰

辅朝公傳

世之持论者但谓为人贵精明至於任天而動率性而行者则以过於浑厚而鄙之殊不知精明不出以浑厚将使贪使诈而人道尽亡反不若浑厚者之尚克葆其性天也 雷公讳会淦字辅朝者不雕不琢无是无非诚可谓浑厚人矣乃 公惟浑厚故享寿最长惟浑厚故处境最顺且惟浑厚故其子孙蕃衍丕振家声为人意计所难量其在易曰厚德载物 公之谓也余尝慨夫人之号称精明者言多不由於衷行多不轨於正至所处之地益高则其所作之奸益大

雷氏宗譜

卷一 辅朝公傳

二八

講易堂

而公独守璞含真饶有无怀葛天之高致於予心诚默有合也故乐为纪载以誌思慕之意云

道光二十五年乙巳仲秋月

谷旦

邑廩生愚姪婿夏錫圭拜撰

節母陳孺人傳

陳孺人者華國公之德配也先生為侍御雷鶴皋同懷叔子與侍御京邸甚相得故知孺人之芳行為悉初孺人之歸華國公也樂為倡隨幽閨貞靜无少忤其天性然也其他婦道自翁故而下内外无间言虽弄璋未兆有二女長适太學生馮斗山公之子庠生成博次适王其時華國公似续望切孺人婉言相諭謂夢熊當有日可无忧乃无何而所天不禄孺人痛慘之极誓以身殉因从所亲劝以承祧无人先人之血祀將斩始回残喘以潤菴公之子月江為嗣上承先人之祧下慰夫子之志飲食教誨抚如己出此所謂為其難者與乃月江不邀天眷孺人所望以充門閭光祖考者竟於道光己丑亦相从乃父於地下也嗚呼孺人之節高矣孺人之命何其蹇耶有孫二煥模煥楷亦將成立顧數十年來茹荼含蓼厉志益堅自非孺人之操柏節何以與此嗚呼若孺人者可不謂賢矣哉

雷氏宗譜

卷一 節母陳孺人傳

二九

講易堂

贊曰

匪洁其玉匪清其冰挹之无滓扞之有稜寒梅耐冷而益其香劲柏凌霜而老其翠造物何私惟物之所自致孺人之賢有逾孟光孺

人之志有逾共姜孺人之名亘百世其流芳

賜進士及第

特授奉直大夫福建道監察御史

史佩珩拜撰

雷氏宗譜

卷一 節母陳孺人傳

三〇

講易堂

元章公傳

宇內克自振拔之彥原不慮獨力難持吾族叔元章公三歲失恃七
歲失怙、立此真一發懸千鈞也然獨幸繼大母戴孺人在飲
食教海頗不失其外父文成公憫其零丁欲携至家就便抚养公不
乐且曰余年將舞象矣是大母所便於指使者豈可遽离膝下令老
人寂寞乎文成公昇之竊喜雷氏有子而东床之譽可不虛矣完婚
后經紀家政井井有法一切施為非众人所易及戚友間緩急有无
通財不吝而家人妇子則以儉約為訓不數年田园广置堂构維新

雷氏宗譜

卷一 元章公傳

三一

講易堂

而恒以先人不及受一日之奉為憾公生平不解調撮而寿屆耄耋
耳目聰強愈老愈壯人皆羨其海鶴仙姿子四孫曾叠出四代同堂
居然富家大吉之气象矣書之以為有志自立者勸

道光二十五年乙巳夏五月

谷旦

族愚姪雨作拜撰

应玉公傳

公讳昭试字应玉 绪文公之次子也忠厚浑朴无忤无争休休焉
 有师德风其在庭内敦孝友笃亲爱克勤克俭尤为里党所交称从
 堂侄正雅生九岁其母丧未凡其父又丧载载孑立孤露无依且又
 多疾病公躬亲抚养调以汤药察其饥寒若竟忘其为他人子也於
 戏怜独恤孤晚近殊不多覩而公独不分畛域不辞劳瘁如是虽属
 公之慈心慈德而亦由内助之贤乃能相与以有成也孺人王氏来
 归时善事尊章其温惠和平已於抚姪见之而此外可类推也子三

雷氏宗譜

卷一 应玉公傳

三三二

講易堂

长与次皆早卒三子明义操持家政克绍箕裘亦能 洗侄犹子视嫂
 如兄人谓其大有父风焉

道光二十五年乙巳夏五月

谷旦

从堂姪孙勳麒春园氏谨识

世謨公傳

夫人有不藉功名之赫奕而卓然可傳於后世者非德行不為功吾於世謨公有取焉 公秉性渾厚古朴无华日优游於桑麻田舍間浮名非所計也事父母定省温清無間朝夕恍有宗聖遺風与乡人处乐易和平纵有侮之者俯而不答人每謂长厚可風焉至理家政或丰或俭秩秩有序内外长幼悉得其欢心謂非善於齐家者与德配夏孺人幽閔貞靜舉止端莊事翁姑以孝相夫子以順处妯娌以和而且以其餘蓄分潤戚邻延賓客毫无吝嗇課子妇夜月机絲无

雷氏宗譜

卷一 世謨公傳

三三

講易堂

敢逸誠巾幗中之矯矯者生子四煥交煥泰煥元煥旦俱稱克家孫枝登出亦倜儻不群公与孺人厚德之報哉茲因貴族重修譜牒略述其实行俾后人有所感发云

道光二十五年乙巳夏五月

谷旦

邑庠生愚表弟周恭先拜撰

位清公傳

公讳昭乾字位清 既升公之冢君麒之伯祖考也性温良兼质朴
不雕不琢无诈无虞其在庭除敦孝友内外无间言甫十餘岁即乐
於为善凡有施与绝不吝惜至造往来之桥修崎岖之路尤彰明较
著者也以故人皆颂之 孺人何氏性慈而有夙慧善活婴儿有求
必往、则必效然不受人一钱非所谓女中君子欤迄於今公与孺
人往矣而螽斯蛸、瓜瓞绵、德之厚者后必昌此理良可信矣茲
輯宗譜謹即闻诸父老者述之

雷氏宗譜

卷一 位清公傳

三四

講易堂

道光二十五年乙巳夏五月

谷旦

姪孙動麒謹识

明照公暨弟仕海公合傳

異域有偉人，虽未获亲炙，其行谊何尝不闻其风规，间尝远访宗支，所谓兄友弟恭，不愧为二难者，莫如明照公与仕海公。是二人者，念鞠哀而笃天，显雍雍一室，式好无尤，以视世之不令兄弟，交相为愈者，不大相迳庭哉。谨按明照公，序居长，为人胸无单复，诺责必践，见义必为善，经纪家业，渐裕益得行其志。凡有裨於乡党戚里者，赴之如嗜欲之切於身。若夫浩漭瀟承色，笑温清定省，以得堂上欢，此固其至性所出，而自幼至壮，无或间也。仕海公亦如是。余与二公地远

雷氏宗譜

卷一 明照公傳

三五

講易堂

形隔虽未亲炙，其典型而一时父老往来常嘖嘖称颂不衰，故乐为誌之。

道光二十五年乙巳夏五月

谷旦

愚族姪雨作拜撰

次乾公傳

天地配以阴阳故人生偶以夫妇然自诗称偕老易号家人知夫妇之独重自齐眉扬休於后汉如宾著美於春秋又知夫妇皆贤之不数数也若次乾公暨德配 周孺人可谓是夫是妇矣公讳昭坎字次乾气度从容言辞安定雍雍有儒者风 母持身淑慎秉性寒渊凛凛循内则训余以教授羈身或一岁一过或数岁一过原未备悉其行谊顾观其厅堂之前穆然以清则 公之能正位乎外可知闺门之内寂然以静则孺人之能正位乎内可知且其令嗣辈见长者

雷氏宗譜

卷一 次乾公傳

三六

講易堂

则敬执卑幼之文处丑夷则不废和平之雅六子名兆春藉隸成均七子名正亨学通经史则 公与 孺人之爱功名爱诗书又可知矣吾尝意贵显之途每多可议而渺兹村落往往有修身励行老死无闻不让古昔老藁之避世北郭之辞荣者二老殆即其流亚也与吾爱之慕之故乐为誌之以使世之为夫为妇者知所取法焉

愚弟夏錫圭首拜撰

正元公傳

老子曰至治之極民各甘其食美其服安其俗乐其业至老死不相往来夫往来且绝岂复有相凌竞相怨讐者乎降迄后世而此风渺矣或是己而非人或胁弱而暴寡小则逞凶结讼大则殒命倾家此固风气使然而吾谓亦释难解纷之尤其人也雷公正元性质直族里有忿争事闻则必往往辄平平则唯々而退虽尾霜弗憚焉其殆慕鲁仲连之风而悦而效之者乎德配 刘孺人亦能志公之志心公之心也见人以事相赴愬固必为公劝驾即 公时或捐贖息

雷氏宗譜

卷一 正元公傳

三七

講易堂

事亦无难色斯又巾幗中所仅见也夫衡量之道取其大者 公与孺人制行之善固难更仆终而释难解纷不惟有以弭争端於未发杜孽芽於将萌而转祸为福化暴为仁且足挽器陵之风以进於古尤善行之卓卓可纪者也故特为标之

道光二十五年乙巳夏五月

谷旦

邑廩生愚弟夏錫圭顿首拜撰

錦云公傳

公諱昭儀字錦云性和樂而敦孝友好讀列傳故長於說往事叙先賢遺跡凡可喜可愕可嗚嗟絕倒者騰其口而抑揚高下之尽态极妍虽优施之假孙叔敖李龟年之谈天宝不是过也每以此博堂上欢虽留迁於汉以直道而行数折阅川公安之而亲亦安之盖庭闈中有至乐也孺人吴氏有慈德为族党所交推子三焕四焕辰焕午酉妇韩氏于归后得瘫痪症八年不瘳汤药饮食皆仰给于孺人韩曰噫此床头蹠躩之役皆媳之所以事姑者反而行之罪滋甚矣孺

雷氏宗譜

卷一 錦云公傳

三八

講易堂

人不以为然时公亦抱沉疴孺人以一身左右其间无难色亦无后言未几一月而翁俱卒孺人椎心痛泣昏绝者屢矣然惨恻之后课子情殷或耕或织或读各专其业孙勳麒韩出也力学有成亦可见爱而能劳之克振先声也故述之

道光二十五年乙巳夏五月

谷旦

层外甥夏恢鼎顿首拜撰

楚望公傳

雷公讳昭江字楚望号鹤楼少负气不苟与人相接议论不合辄叹曰是非可与谈者遂拂衣去其事太翁与太母自始至终以孝闻勤学好问凡遇名宿有疑必质得奥爽辄心领慷慨有大节不为势屈不为利诱非公事不履公庭以故人皆奉为一乡之望每值暇时则一室跌坐默诵佛经以消浮气此亦好善之念所由生也德配周宜入温惠和平同德相济亦同跻古稀虫伯道无儿而公绰犹子亦可为公慰矣茂忝属姻娅瞻晰其行道而心慕之因贵牒重修乞傳於

雷氏宗譜

卷一 楚望公傳

三九

講易堂

余遂乐追述以誌其实云

道光二十五年乙巳夏五月

谷旦

邑洋生姻弟李茂兰拜撰

正常公傳

公讳胜纲字正常生有正气外若简旷而内行修飭不妄動於利欲
读书不治章句独慕古人奇节伟行非常之功视世俗屑、无足动
其意性刚直精悍之色见於眉宇人望而敬之畏之虽最豪強者亦
未敢率意以逞焉公敦孝友事亲先意承志昆季一堂式相好无相
尤孺箴之雅怡怡如也闻忠义事慷慨欲赴趋人之急如鷺鸟之发
恩鰥寡耆艾无所靳与乡曲判是非言论侃、锋神森然孺人刘氏
归公时年甫及笄而能相夫子人皆称其内助得人生子四俱豪爽

雷氏宗譜

卷一 正常公傳

四〇

講易堂

有为識者謂其綽有父風焉

道光二十五年乙巳夏五月

谷旦

族愚姪孫雨作頓首拜撰

尧章公行纪

公讳昭唐字尧章性刚直豁达纯任自然所与多光明磊落之士乡曲中有以争竞琐事踵门来告者辄挥而出否则面斥其非不少容忍以故人多惮其严介卒之排解而去亦不之怪也其见孚於人有如此者 公状貌堂堂胸怀落落自少而壮而老不事田园而亦未尝不事田园不事商贾而亦未尝不事商贾总以不拘不执为快迄今年逾古稀健饭善饮每笑语声如洪钟须眉栩栩欲活虽商山叟不是过也人见其刚直比之寒山松柏见其闲逸又谓之陆地神仙

雷氏宗譜

卷一 尧章公行纪

四一

講易堂

如公者有几人哉故特纪其概云

道光二十五年乙巳夏五月

谷旦

姪孙幼康敬撰

附文先生傳

附文先生名昭錡向不知其為何如人也亦不詳其行事道光乙未夏近邻有讼事竞争不息里中诸长者为之排解予亦尝参末座第见一人精神龙马丰姿海鶴其容则端庄而不改出言则恺切而详明语不烦而曲直立判余惊而问之伊何人若是之刚方而正直也金曰附文先生是也於是叩其生平核其行事人一一乐为余道焉盖翁少贫而有至性甘旨奉亲承欢罔间数十年如一日及历境饶餘爱施以行仁取予以明义伯仲三至老而墮簪不间惟孝友于兄

雷氏宗譜

卷一 附文先生傳

四二

講易堂

弟是亦为政是乡党宗族亲戚交遊相信者久之故言出而人无不尊服古者处士为善於乡就质者望庐而返行誼如先生安可听其湮没而不彰乎先生年逾古稀德配 曹孺人不特贤淑素著亦荣庆偕老桂馥兰馨方兴未艾是又秉笔者所连类而乐述之者也

道光二十五年乙巳夏五月

谷旦

郡庠生愚晚夏之时敬撰

習周公傳

公諱昭易字習周性端方而有幹才非人所易及其父伦官公以白金五兩交公命杈子母以为供给祭祀之资公经祀出入不遗圭撮积累至二百餘金置田二十餘亩从此寢庙邱墓之前香烟祭品有赖世世绵延不断矣族内又为孝友会以昭祖考垂训鍊钱生息亦积金二百餘田亩二十餘皆公之力也有茶商与公交易银数已定误多秤十两公持归觉之即以多数送远商人执为未误不受公复命长子兩作送远之较明乃已生平磊落光明临才不苟此可

雷氏宗譜

卷一 習周公傳

四三

講易堂

见矣若夫敦孝友和里党重然诺卹孤慈幼 公更出之自然者也

德配 章孺人嘉邑廩膳生章松齡之姊也生长名门素娴姆训事

尊章相夫子处妯娌敬敬尽礼一室之中愉、如也固宜其跻古稀而賡偕老子孙绳绳以德获福如此

道光二十五年乙巳夏五月

谷旦

甲辰科举人吕国璋拜撰

在虞公傳

公讳昭洲字在虞性爽直开展始业诗书继贸襄樊凡戚族之移贷朋友之馈送豪无吝色嘉庆甲戌买舟旋里适舟子有病毙者公即出金掩埋此在芻矣之人尚不足奇而公手无餘积倾囊为之真有超出寻常者嘉庆丙子捐贖倡修清溪桥不辞劳瘁普度之泽直与水长至其偕德配 顧孺人事 继母陈太淑人侍奉甘旨善承色笑无假饰亦无倦容 封公秉性严厉不苟言笑而公 与孺人先意承志皆得欢心及封公 谢世后事太淑人尤加亲敬周密

雷氏宗譜

卷一 在虞公傳

四四

講易堂

时 公在附近小岭下治业货殖每回家省亲必怀果食以进曾不空手夕膳晨餐具肌膏为常数十年如一日也与兄大容公友爱弥笃抚姪攀龙入武庠並得军力议叙为郎阳千夫长鹤皋侍郎其堂弟也幼从 封翁授读公知其敏而好学必能有成虑以贫苦废弃故与大容公极力协助今果不负其期许矣生平識量有如此者

邑庠生姻愚侄王荣春拜撰

咸举公傳

公讳昭汪字咸举性方直严谨治身俭薄简言语正家井井有法平居敛色而坐如对大宾终日不少懈弛人惮之乡里有不平事咸就决於公悉如其意以去公素具雄略众所能为之事不闻於公求公者必其至重至难旁人所束手噤声而不敢一参意见公一到辄为就理如置器平地无不妥帖重师儒遇读书人格外加礼鹤皋先生之未遇也公独厚与结契而力为左右其卓识何如至若念天显而缓急有无相周棺椁衣衾相济一体同视其重手足何如其於犹子

雷氏宗譜

卷一

咸举公傳

四五

講易堂

有不率者悉以家法俊秀可儒者则代出膏火费数年不倦其造就后进又何如也德配蔡孺人鸿案相庄熊丸课读趋善如水赴壑亦巾幗中君子也有子五孙三皆奇秀善用是次善人之必有后也

道光二十五年乙巳夏五月

谷旦

愚侄孙婿金品三拜撰

望榮公傳

公諱昭秦字望榮其为人性鯁直容貌庄严有堅剛不可屈撓之概
凜凜然难犯先时席祖人餘业躬耕陇亩既而幡然改曰大丈夫志
在四方乌容株守故里而甘於没没也由是遍遊南北东西历览山
川风景遊目骋怀亦几乐而忘返乃骨月情深室家念重未几束装
言旋贸迁於附近盐家山下日夕往米甚便由是居渐安计渐得境
亦渐顺公又曰知足常足终身不辱吾其复我旧庐聚处一室醪酒
自娛可也 公生美须眉丰颐身长有聰职強力遇事麻集乃益靜

雷氏宗譜

卷一 望榮公傳

四六

講易堂

面不換色而徐徐就理务出於善乃已族居水口旷蕩而无关键恐
有不利爰筑坛植木建庙立神以为障蔽筹画经营不殫劳瘁迄今
过其地每歎公之为雷氏通族謀安全计长久者有如斯矣今年续
修譜牒一切事宜皆 公总理姪不敏许为襄辦故即公之生平纪
其略焉

道光二十五年乙巳夏五月

谷旦

愚族姪雨作拜撰

惟章公傳

从来豪杰之士垂诸史策其姓字与日月争光者非必尽以功名著也倘有持身制行迥异庸众亦足以永垂不朽康於 叔祖惟章公有感焉公讳昭隨字惟章正常公之季子也天姿灵敏識見恢宏讀書虽未卒业而造次必於儒者以故父老子弟莫不见而钦闻而服也多里中事无大小有纷难即为排解公言论有识於古今得失是非成败慷慨以谈而瞭如指掌有茶商过境县役苛索陋规不遂竟置囹圄一境之人哗然盖我处依山种茶为业倘此风一出而他商

雷氏宗譜

卷一

惟章公傳

四六

講易堂

裹足不前则此地为石田矣公承众意出诉县公为之昭雪謝公百金不受今年续修家乘亦公意也以茶商事不能分理乃告其兄望荣公善为筹辦而捐貲设局公亦与有劳焉康厕身局中不揣鄙陋即公之大概纪之

道光二十五年乙巳夏五月

谷旦

侄动康敬识

晏孺人傳

孺人晏氏族叔祖仕成公之德配也秉心塞淵持身淑慎有古賢媛之風事舅姑先意承志得其欢心相夫子鸡鳴戒旦乃年近四十而仕成公不祿孺人初志欲殉家人力持乃免嗣是折夔训子績月持家田园门宇渐见丰腴其亦可以慰夫志矣窃谓克家难负先人遗业如负重器虽大男子苟不胜则颠孺人嫠也而能无成而有终地道也妇道也即母道也是为傳

道光二十五年乙巳夏五月

谷旦

雷氏宗譜

卷一 晏孺人傳

四七

講易堂

愚姪孫動麟敬撰

礼科给事中鹤皋公傳

予供职秋曹十数年於兹矣所契合不乏金兰而素莫逆者则以侍御雷鹤皋为最鹤皋派名昭溢字作霖官名以誠原名鳴以誠其更名也鹤皋为人沉静寡言笑幼随其叔观省公游观省公固知名士尝以大器目之成童后奉封公命出就雋水王至堂先生学先生嘉庆庚辰科进士现任襄阳府教授王楚北宿学也得鹤皋恨相见晚当鹤皋之儿时也其伯兄导东先生以亿中才致家康阜不数年所向不利囊中金化蝶飞去家道亦少微矣鹤皋家日窘志益坚

雷氏宗譜

卷一 鹤皋公傳

四八

講易堂

囊萤映雪卒成就所业遂以嘉庆己卯岁補邑弟子员道光癸巳恩科举於乡癸未成进士 簽分刑部主事有志者事竟成不其然欽入官后历任河南山西直隸司主事道光癸巳 提牢厅满任复总辦秋審处兼广西司行走甲午三月 欽差監修

阜陵越半载告竣直隸丰润县知县许瀚者循吏也民德之乃以嫌隙被御史弹劾庚子秋 欽差黄树斋同寇 树斋名爵滋江

右人官刑部侍郎为鹤皋同年友 查核鹤皋充随员官向黄司寇力为辨释乃得仅以革职免官归里平民称明决其他所办案件亦

称是是冬复充浙江隋员官大

钦差为祁春圃尚书春圃名

隽藻山西人官户部尚书

黄树斋司寇过山东福建计到浙一年

办案三十餘件俱平允近来

钦差之到各省者督抚以下皆

有愧仪动以万千计鹤皋一路清风概行谢绝杨关西之四知其凛

之矣辛丑秋补授河南司副郎壬寅年三月送考御史钦取第五名

引 见记名以御史用四月队授浙江正郎八月补掌山东道监察

御史癸卯正月转掌贵州道监察御史兼署掌江西道时台湾将军

达洪阿台湾道姚莹知略士也倭夷滋事数犯台湾皆被战败功多

雷氏宗譜

卷一 鹤皋公傳

四九

講易堂

滋息因以冒功被劾

皇上震怒傳旨革职拿问进京鹤皋力为保

奏以为有用之才不宜以一青弃

奏上 皇上连阅三次未加责

斥及至达洪阿姚莹进京并未问罪复授以官鹤皋之力也鹤皋之

不避险为国家爱惜人才也如此计鹤皋前后九上封章俱关重大

要件若河工钱法海诸豔摺均有裨於国计民生切要可行惜当事

者不能用耳四月

钦派稽查海运八月充顺天癸卯科监试官复

充八旗考试官十月

钦命巡视中城察院甲辰年三月钦差稽查

内仓五月方将记名以繁缺知府用十一月

钦差监试考

恩监

生特旨队授礼科给事中夫鹤皋以寒峻起身京官二十餘年赔累多矣而胸怀落落不少污其清白之操而懈其报效之志若此方之下名臣之公尔忘私国尔忘家者岂有异哉他日由台谏入丝纶阁古使功名满天下事业满边陲上以答 圣天子知遇之恩下以慰封公属望之意所为垂史册而光家乘者将於是乎在哲嗣焕岳邑诸也有父风因修家乘以乃父叙傳陲徵予言予以至好不能辞爰走笔而为之书

贊曰

雷氏宗譜

卷一 鶴皋公傳

五〇

講易堂

鍾山之麓淦水之滨元气所会蔚为斯人溶溶者霜台之月皎耶凜

、者秋曹之风高耶吾以是想鶴皋之清操也迟、者聰马之嘶春

耶缓、者绣衣之当路耶吾以是想鶴皋之风度也有瑰其意有琦

其行屋云其著作绵绣其勋名烺烺炳炳黼黻 升平

fú fú

道光二十五年乙巳夏五月

谷旦

賜进士出身

1845-4
授奉直大夫刑部主事

愚兄正之斌拜撰

垂萬公傳

族伯母雷孺人好善乐施毫無吝嗇余甚異之向其故曰吾有胞兄垂萬者其少年时多与人同泊中岁看穿世情不慕荣利释轻暖之服而衣大布之衣屏梁肉之甘而食园蔬之食清心寡欲戒杀放生常恐以暴殄者获罪於天以饕餮者负疚於己至於軫恤亲邻捐输功德皆其所乐为者也家素封力足为善又得内助之贤以成其志嫂氏刘与有同心诚有如诗所云凡民有丧匍匐救之者夫吾亦犹行吾兄之道也汝何疑焉退而思之是殆所谓薄於自奉厚於待

雷氏宗譜

卷一 垂萬公傳

五一

講易堂

人者耶所谓自我致之不必自我享之者耶所谓不必积金玉以貶子孙而惟积阴功以貽子孙者耶使天下而多有是人也太上贵德之风亦可再觀岂复有困苦颠连而号无告之民哉恨不扶闻之於朝表厥宅里以为极欲穷奢瘠人肥己者劝耳乙巳公曾孙声春采馆属余作傳誌诸谱余曰为子孙先者祖有善而弗知不明也知而弗傳不仁也今汝有志称扬先祖以著於后世可谓明且仁矣遂特书以遗之

道光二十五年乙巳夏五月

谷旦

邑廩生眷晚夏錫圭拜撰

胜高公傳

邑东南雷公 高隐君子也自食其力不爱纷华不尚矫饰落落有太古风於里党能免争忤然其词严义正尤能不与世为浮沉所居称巨族尝为其祖倡建祠宇以光俎豆各庄祭祀之资悉以一心调剂维持其间俾无虞駸於削盖公之致力於本根仁孝之性然也寿七十有七无疾而终循陔者六人孙枝叠茁头角峥嵘善之积也餘庆见焉兹当谱牒之辑不揣愚昧用纪数语以期永垂不朽云

道光二十五年乙巳夏五月

谷旦

雷氏宗譜

卷一 勝高公傳

五二

講易堂

郡庠生军功议叙六品

晚生吴廷选顿首拜撰

參兩公傳

公諱煥中字猷和号參兩性最溫厚敦孝友重然諾為善不倦未壯時父母俱謝世公擗踊哭泣葬祭盡禮觀者皆為色動二弟年尚幼公持家計勤不言勞貧不言苦伯仲之間怡怡如也族党有求於公不許則已許必尽其力所能到遇善舉不待怂慝而自毅然以為年僅四十而卒人皆惜之孺人呂氏溫惠慈和自少已然抚諸孤以養以教克俾成立至會計場廩既沃且丰犹以其餘潤溉戚邻今年七十有七耳目聰強門庭肅穆人共欽其禮法兼优生子三长子勳

雷氏宗譜

卷一 參兩公傳

五三

講易堂

康刻苦於學儲大用才今年續修家乘丐予作傳以永二親愛浣筆

以誌大概云

候補教授眷弟劉寅拜撰

盛秀建中二公合傳

嘗聞首陽之採薇者兄弟同餓荆蛮之採藥者兄弟同逃未嘗不嘆古人之相友愛今人迥不若也夫人以貴顯者多矣若身处岩穴行不出於家庭宗親里党鮮不易視者甚至以文采不彰而鄙夷訾笑者有之然無德而貴顯者可不傳若人雖卑賤而實有德行則不可不傳雷公諱煥字盛秀良年公之中子也諱煥良字建中叅兩公之季子也維此二公不樂匹偶甘同姜被其天性使然耶抑念先人早逝感長兄多勞而故以相愛耶且鑒於兄有子弟不孤之說無慮

雷氏宗譜

卷一

盛秀建中二公合傳

五四

講易堂

后嗣耶乃昼則同力於原夜則同處尔室偕作偕止怡、至意到底不懈頗有首陽荆蛮兄弟之志厥后叅兩公卒視嫂如兄抚姪若子一门之內和乐且湛曾无厉词譏色詩曰此令兄弟綽綽有裕其斯之謂与遂為傳以誌之

道光二十五年乙巳夏五月

谷旦

邑庠生眷晚劉既平頓首拜撰

选魁华贵二公合傳

孝友为一家之政勤儉乃百世之宗此非仅为陇亩者言而身处陇亩克尽四字者正不数数觀也余尝於伯岳伟煥文字选魁伟煥堂字华贵二公得之矣公兄弟六人上有二兄早年不禄下有二弟冲年无知而尊人不事产业惟二公鋤豆南山不辞其苦力穡西疇不憚其劳匪特菽水承欢即将御必請所与厥后尊人即世昆季成家道渐昌其亲爱仍不减乎初也於是為弟登朝公受室舉三子勳连勳科勳进未几朝夫归俱卒公抚诸姪亦犹抚弟也族众怜公之

雷氏宗譜

卷一

选魁华贵二公傳

五五

講易堂

志嘉公之行以科承选公祀以进继华公嗣余尝造其庐每闻二公曰人生天地间不敦伦纪非人也不念物力亦非人也观此则二公之志行可知爰述其略焉

道光二十五年乙巳夏五月

谷旦

愚侄婿夏恢鼎謹撰

正字旭先二公行略

公讳寅字正字 叔祖位清公之冢嗣昆季四旭先其仲弟也初

公德配冯孺人举一子甫十餘岁而子母俱殞公遂誓不复娶厥后

严慈见背勤耕耘笃友于三弟四弟皆为完婚一门之内怡怡如也

旭先公浑浑噩噩不琢不雕戒怠荒而务勤俭抚养诸姪无懈志宗

族亲戚接见无倨色也与兄同爨亦与兄同情所以众贤之而以弟

之子承其嗣焉然二公胸有成竹惟图恢绪虽老将至而不知或积

诚所感得大乃后未可知也至其秉性诚朴不逐纷嚣尤为里党所

雷氏宗譜

卷一 正字旭先二公行略

五六

講易堂

推重以视世之略其大节徒事铺张徒矜外饰者固已侷乎远矣此

康於家乘告竣不能忘情於二公也是为傳

道光二十五年乙巳夏五月

谷旦

侄勳康謹識

伦品公行略

公行略公讳焕常字伦品号叙之庠生鼎台公之孙庠生最初公之胞姪而诚一公之长子也幼就学於最初公甚颖悟甫弱冠诚一公谢世最初公以弟远贸樊城买舟欲去独顾谓公曰吾家诗书世业惟子克绍其必勉之因而师事崇邑王先生诗文日益工有识者方重为廊庙器奈焦桐有韵清音莫听公虽遇合蹇蹇初不以为意也谓士君子求诸己不求诸人明其道不计其功我固有职分所当尽者虽家窶且贫而牵车服贾用孝养厥萱堂无缺於供嗣因亲老不

雷氏宗譜

卷一 伦品公行略

五七

講易堂

克远遊乃设教家塾率妻子及媳率馨夕膳洁晨餐温清定省先意承志以极膝下之欢年及六十母氏寿终九旬盛其衣衾美其棺槨广致宾客一切葬祭之仪盖式礼莫愆也且其居家庭正色率其长幼有序男女有别凡属同分莫不彬彬有礼此即未拖青紫而其事亲以孝治家有法缣緗不替亦足无负於最初公之所期属矣公性坦白排难解纷於乡曲是非善恶曾不阿其所好所谓聪听祖考之教训也迄於今六十有餘矣犹能教授梓里穷经不辍训二子经傳

唐詩皆手錄以授亟有志未遂而兰兰三苗嶄然见头角继起有人

指日可待知遇合當於当躬而食报将隆於孙子也予为最初公半
子属姻谊因是得悉其生平而为之傳以纪之

道光二十五年乙巳夏五月

谷旦

邑康生眷弟周昌銓顿撰

雷氏宗譜

卷一 伦四公行略

五八

講易堂

盛景公行略

公讳焕交字盛景世谟公之长子也敦朴成性与物无忤幼时境遇单寒弃读就贾复弃贾就耕佐尊严共理田园之务出作入息沐雨栉风恐劳亲力而独任其苦遂至家计渐顺及世谟公谢世丧葬尽礼君益以主器自任挈领提纲勤俭如故率诸弟尽力南亩衣服饮食苦乐维均无分尔我用能日积月累置田产教树蓄竟成胥矣之人可谓克家有子矣至其抚诸姪读书习礼婚嫁及时与己子无异一门之内无诟谇声诗所谓兄弟既翕和乐且湛可为公赋矣至於

雷氏宗譜

卷一 盛景公行略

五九

講易堂

薄以自奉厚以待人族党戚友推解不吝种种善端有难以枚举者兹当贵族纂修家乘因走笔以纪之

道光二十五年乙巳夏五月

谷旦

邑痒生眷晚周国宾顿首拜撰

節母顧孺人傳

顧孺人者族叔首魁德配也于归后宜家有法敎戒无违不幸所天
頓殞孺人年甫三十冰雪自矢茹蓼含荼纺屋績月恪事翁姑实能
婉婉听从姑歿后翁患热病儿不起孺人事汤药月餘不知勞瘁今
年已五十矣而操持家矜抚教诸孤井井有法所谓节以尽孝孝以
完节者不誠女中君子哉子三长动琪次动珪次動琮渐及成立皆
遵孺人之训也其受天之报殆未有穷与故乐为纪之

道光二十五年乙巳夏五月

谷旦

雷氏宗譜

卷一 节母顧孺人傳

六〇

講易堂

族姪清士謹撰

芳亭小傳

古圣人教人以德行为本以文艺为末所谓德行者孝友而已矣人而不孝不友虽文采风流绰有可观而识者荫弃之谓其源已薄也人而孝友虽敦庞浑朴若无可取而識者深嘉之谓其基已植也若雷君芳亭可谓孝友兼至矣家非素封自舞勺时即已弃诗书而就贸易颠倒於出入会计之途再起复蹶卒以齟齬余观世之居市肆者大都惟知賤微贵贵微賤而已至於孝友之道则置弗讲焉君善体亲心不惟饮食丰洁而又承爱怜少子之意以诗书课七弟名正

雷氏宗譜

卷一 芳亭公傳

六一

講易堂

亨者文章学问见重於士林虽正亨无禄早世而君之隆师重傳冀其扬名显亲者其功正不容没也昔张仲惟孝友故克与吉甫之燕君陈惟孝友故将就东郊之封以君孝友之行卓卓可纪如此此岂寻常市侩所可同哉至於轻财利重然诺与当世缙绅先生遊皆不以厕身濶濶而少之斯皆孝友所推贊而德行之绪餘也兹不赘

邑廩生夏錫圭拜撰

節母王孺人暨媳徐氏孫媳黃氏二代

合傳

春秋十五國惟傳共姜守義賦柏舟之詩而矢靡他之志至東漢則曹大家為最著能續成漢書迥乎尚已或者謂此系國君之女大臣之媛習聞閨訓洞明禮義故宜有不可奪之節非多曲中寒賤士庶之比也然民有秉彜本乎天性虽部屋窮檐固有从一而終百折不回者而節之名以著或无子而有姑或承繼而立嗣而孝之行亦显我

雷氏宗譜

卷一 三代合傳

六一

講易堂

朝所以有旌表建坊之例不論富貴貧賤但要事實彰明年分結据无不題准所以維持风化者至矣我祖南陸公生子五長傅霖公率作梅公欽若公万和公由硃紅山下老屋徙居下新屋說禮敦詩至昭湛字純己历四世純乃傅霖公支下孫也幼穎悟好學能文章妻王孺人系縑緗世家女生子二長煥效次煥叙而學純忽病故 王孺人年未三十立志守貞翼雛茹蓼淑慎其身乃長子煥效甫及成立竟至殀亡悲夫之情未斷哭子之聲相繼已令人聞而酸鼻矣嗣孺人復為子煥叙訂徐氏為童養媳徐氏年幼奉事孀姑各嘗辛苦

夙夜无倦容十餘岁即为礼成而 王孺人旋即因病卧床凡服药
饮食运动辗转一呼一吸无体贴微不至卒不能起徐氏哭姑之惨与
子失母之悲有人所不忍闻者犹幸生有一子勤典渐及成人媒聘
黄氏为室幼秉淑贞言笑不苟逮鹿车既挽鸿案相庄有洗手调羹
之美似鸡鸣戒旦之贤方以为两代节孝其后必兴也无何甫越二
月夫君动典忽一病而亡黄氏泣血绝粒痛不欲生誓以身殉复念
姑老忧戚无人侍奉始进饮食孝敬弥笃姑痛子死毋勿遭疾亲侍
汤药夙夜勤劬衣不解带者月餘而姑忽姑一切丧葬靡不尽物尽

雷氏宗譜

卷一 三代合傳

六三

講易堂

志族党怜里称善黄氏日夜啼哭仰两节之空著悲一線之无绵诸
亲房老幼以其年仅十七欲有他说而察其词气不敢遽言於是议
以堂姪金城为之承继黄氏虽戚而心实慰乃曰我祖之一脉得此
可以不坠矣鞠育抚养无所不至而慈严并施迨子稍长以父称之
盖惟爱而能劳故致亲而更尊也今子已逾成童徐当受室而黄氏
年及三十矣於是合族相与据实呈县将三代节孝行状载入邑乘
计可详报上宪禀案题请

旌表兹值族中重修谱牒理合刊列实事

用备考证焉谨傳

同治九年岁次庚午仲夏月

以誠鶴皋氏撰

雨作公行纪

公讳焕翼字雨作号甘霖别号傅岩居士幼入家塾聪颖沉潜日诵
四五百字甫听讲即能解及学为文便豁然明朗尝为族伯云章先
生所契重年十三受业於舅氏虞生章拱辰领悟日深学有进益应
县府试屡拔前茅道光甲申李学宪批取以试卷有挖补痕迹见遗
同好深为扼腕由是自知文章有命不可力求益兢之以理自持谨
循先民矩矱所作诗文难合时宜以致终不见售乃以风木兴悲无
意进取适有亲友迁山左念公怀瑾握瑜未逢善价遂於衍圣公

雷氏宗譜

卷一 雨作公行纪

六四

講易堂

府为就齋奏之职虽系虚衔亦

国家成例所不废也矧为亲友厚意必固却之则未免过矫其屈意
受之也一以示尊崇 圣裔之美一以慰处士媵修之情耳有村夫
当面詬詈公笑其无知绝不与校众皆服其雅量家计虽不充裕而
以利济为心遇人有急靡不设法调恤或先行解橐以为之倡又精
习幼科书有延请者即往治不畏路远并不取药资其他随时散给
钱米即所出无多而既无吝情併无德色亦可想见其仁爱之怀性

嗜山水颇精堪輿之学学故常出入渔樵间非特泉石可娱且不惮

攀岩躐屨尻輪勤苦務得吉壤以葬二亲冀貽死者安非第为发祥
计也闻 贵族续修谱牒公与其事考核详明有条不紊未尝踈忽
遗漏而自奉俭约如治家然捐集费维艰未可藉公任意挥霍也予
属在梓谊知公平生梗概爰略举所见闻以誌不忘云尔

道光二十五年乙巳五月

谷旦

甲辰科举人孙焕奎拜撰

雷氏宗譜

卷一 兩作公行紀

六五

講易堂

節母夏孺人傳

夏孺人者雷平章之德配也平章性聰敏有亿中才不幸早世孺人矢志柏舟孝養翁姑抚教孤子内外无间言其姑袁太君貞靜成性言笑不苟固所稱女中丈夫而夙嬰痼疾常在床褥孺人医药調治飲食疾痛疴痒皆能先意承志不以为劳如孝子之事父母也夫之兄弟輩或耕或賈凡衣服食用均經孺人料理得宜并以勤儉相勸勉靡不翕然和乐夫嫂晏氏有姑夙孺人敬之亲爱如姊妹夫孝友者丈夫之事也孺人以巾幗之英任事畜之任卒能使一家秩然相

雷氏宗譜

卷一 節母夏孺人傳

六六

講易堂

接蕩然相联是足以永垂不朽矣余遂乐为之傳焉

道光二十五年乙巳五月

谷旦

賜進士出身現任襄陽府教授

勅授文林郎即補國子監學正

至堂玉鎮新撰

正阳公行略

族兄沛煥午字正阳景云公季子也谦厚而劲直事亲色养兼至敬
爱其兄有事不敢专擅长姪失恃能切犹子之意慈严並施丰其衣
食泽以诗书俾之各有成立若不知为兄子也堂弟以事被冤公控
之於府并叩各上宪不惮艰苦为之昭雪若不知为异人弟也自奉
俭约而於戚党宾朋往来礼仪周略又取与分明錙铢不较故皆乐
与之交遇人有纷难则剖决是非善能以理排解既不畏强御亦不
侮鰥寡也至於修水利神坛心精力果不惜费不避嫌疑材鳩工

雷氏宗譜

卷一 正阳公行略

六七

講易堂

计日蒞事與情罔不称颂盖谦约节俭虽似龙伯高而豪俠好义则
略近季良矣如兄者不可谓一乡之善士哉谨略纪其概焉

道光二十五年乙巳夏五月

谷旦

邑廩生族弟彬士拜撰

步堦公行略

公讳煥吉字步堦向无恒产幼入家塾略辨鲁鱼而精於筹算又勇力过人尝自谓男子须志在四方徒株守梓里殊为失计因寄跡兴国经营生理不憚勤苦积有餘资仍布衣粗食朴素是尚虽家道寒苦食指日众克勤克俭衣食有资焉复恃其年富力强以为国家抡才文事必须武备正当及时奋发以图进取乃访谒名师精习武功巧力兼擅县府试皆拔前茅遂入泮宫而志期远大不以一矜自足无如求之太急用力过猛兼之贸易索怀竟至精神不振未得应武

雷氏宗譜

卷一

步堦公行略

六八

講易堂

科而歿誠可太息至其抚姪犹子俾之衣食有賴众皆服其仁慈謂能仰承亡父之志維孝友于兄弟也故特记之以為人为子者劝

道光二十五年乙巳夏五月

谷旦

族侄动康謹撰

广南公傳

公讳动照字广南虽系同族兄弟而炳春生最晚又隔居相去较远莫识其为人及长间与父老座次话及公生平僉称其言行周慎心地纯朴事奉父母春温夏清起居饮食实能曲体亲志儿有宗圣遗风炳春曰人如是是亦足矣父老咸曰未也德之盛者业亦大广南公上承父业虑家计日蹙恐遗堂上忧於是课树艺重耕作夙兴夜寐不憚十分刻苦用能以勤补拙以俭积财田园日扩甘旨不缺於供兼之材木竹箭之利可资日用卒岁不虞衣褐炉火冬烘醪酒言

雷氏宗譜

卷一 广南公傳

六九

雷氏宗譜

欢益赅南陔致养之什焉德配苏孺人温惠严肃有鸡鸣戒旦之贤事舅姑谨执妇道待子媳无惭母仪凡宾友往来酒食贍答靡不轻重如礼丰尚合宜始易家人卦象词所云无攸遂在中馈贞吉者欤子二长明烛笃实爽直好行善事次金茂聪颖好学从族叔祖启蒙公暨观省公授学多年作楷书笔锋秀劲文章亦渐清朗以时有小疾不能十分攻苦观省公尝为之太息而昆仲克偕以孝友恭之情老而愈挚亦克承父志焉

道光二十五年乙巳夏五月

各旦

族弟炳春傳

炳春公行纪

自古称非常人者在富贵者易见而在贫贱者难知盖其立心行谊每出於庸耳俗目之外而其发为文章亦或独出己意不合时宜以致鬱而不伸者此谓然也然卒不以此懈其所学而安於义命故悦乎其远焉予自从学以来所交遊不乏人矣每欲得一非常之士而就正 而卒不概见若雷公名动康字炳春者气宇轩昂襟期磊落居心则正直也制行则端方也入而事亲则孝友之克尽也出而待人则忠厚之可风也 於殫竭聪明博通经史如入二酉之洞研精

雷氏宗譜

卷一 炳春公行纪

七〇

講易堂

四子之书其於古文则以韩柳欧苏为骨而其作以时艺远宗王唐归胡近如金陈熊刘诸先辈靡不反复涵泳究其神髓而挹其精华出应县郡试屡拔前茅方以为仅博一衿不足酬所学也乃处囊不闻脱颖藏剑卒不腾辉士论惜之将时运之多舛耶抑大器之晚成耶岂造物者别有深心欲老 其厚其报耶予不敢预决矣而公益砥节研行范我驰驱不徇诡御潜隐见时也进退礼义也文章理道本无尽者也我其不足而已闻公之言知公之志以迺且大者自期真可极非常之士与兹因君与贵族重修宗谱属在相契故不揣愚陋以数语纪之

